


www.BibleForChildren.org

Dunuŋa Fɔlɔna 3




Adaman yi a naxanla xili sa
Nmahawa bayo a findima
muxun birin nga nan na.




Sapin nan yi kɔta Marigina Alatalaa
daliseene birin xa. A yi paxanla
maxodin, a naxa, “Nɔndin na a ra ba,
Ala bata a fala, fa fala wudi binla
naxanye birin Eden nakɔni, ε nama e
bogin don?”



Naxanla yi a yabi,
a naxa, “Wudin
naxanye Eden nakoni,
nxu nɔɛ e bogin donɛ
nɛn, koni wudin naxan Eden nakɔɔn
tagiyani, nxu mi nɔɛ na bogin donɛ,
nxu mi nɔɛ nxu yiin dinɛ a ra. Xa na liga nxu
faxama nɛn.”



Sarin yi a fala
naxanla xa, a naxa,
“En-en de! I mi faxama.
Ala a kolon, i na a don,
i yeen nabima nen. I fama fe fapin nun
fe naxin kolondeni nen alo Ala yetena.”



Naxanla to wudi bogin mato, a tofan,
a fan donseen na, a fan xaxili soto
seen na, a yi a tongo. A yi a don.
A yi nde tongo, a sa a so a xεmen
yii, naxan yi a fεma. A fan yi a don.



Na waxatini e yeen yi rabi. E yi
a kolon, a e magenla nan yi a
ra. E yi xode deene gira, e yi e
dege dugin na.





Marigina

Alatala yi a xili, a naxa, “Adama, i minen yi?” Adaman yi a ratin, a naxa, “N bata i xuiin me Eden nakoni, koni n bata gaxu, bayo n magenla na a ra. Awa, n bata n luxun.”







Ala yi a maxodin, a naxa, “Nde a yitaxi i ra a i magenla na a ra? I bata na wudi bogin don ba, n na i yamarixi naxan ma fe ra a i nama a don?”



Adaman yi a yabi, a naxa, “Na naxanla i naxan soxi n yii, na bata na wudi bogin so n yii, n yi a don.” Na xanbi, Marigina Alatala yi naxanla maxodin, a naxa, “I nanse ligaxi?” Naxanla yi a yabi, a naxa, “Sajin nan n mayendenxi han n na a don.”






Marigina Alatala yi e ramini Eden
nakoni, a e xa sa boxon nawali e
fataxi naxan na.




A to Adama kedi, Ala yi maleka gubugubu kanne ti Eden sogeteden binna ra. A mɔn yi silanfanna tɛɛ daxin lu mɛnni naxan a firifirima na longonni kiraan kantan xinla ma siga siimaya wudin yireni.



Adama yi Nmahawa kolon naxanla ra. Nmahawa yi fudikan. E yi diin soto naxan xili Kayini.




Nmahawa yi a fala, a naxa, “Alatala bata n mali dii xεmεn soto feen na.” Na xanbi, Nmahawa yi Kayini raburunna soto dii xεmεna, naxan yi xili Habila. Habila, xuruse rabaan nan yi a ra. Kayini, xεε biin nan yi a ra.




Na waxatin to dangu, Kayini yi fa sansi bogina ndee ra, a ne ba saraxan na Alatala xa. Koni Habila yi fa xuruse dii singen na e nun a turena.

Alatala yi Habila nun a saraxan nasuxu, koni a mi Kayini nun a saraxan nasuxu. Awa, Kayini yi xolo. A yɛtagin yi masara.



Kayini yi a fala a xunyɛn xa, a naɗa, “En siga xɛɛn ma.”
E to so xɛɛn ma, Kayini yi a xunyɛn Habila suxu.
A yi a faɗa.



Na xanbi Alatala yi Kayini maxodin, a naxa, “I xunyɛn Habila minɛn yi?” A yi a yabi, a naxa, “N mi a kolon. N tan nan n xunyɛn kantan muxun na ba?” Awa, Kayini yi a makuya Alatala ra. A sa doxo Nodi boxoni Eden nakɔɔn sogetede binna ra.




Adama yi a naxanla kolon naxanla ra. A yi diin soto naxan yi xili Seti. A na xili sa bayo Ala bata a diin Habila noxo so a yii Kayini naxan faxa.




Seti bari xanbini, Adama yi bu ne ke me solomasεε. A
mon yi dii xεmen nun dii tεme gbεtεye soto. Adama a
siimayaan yi siga ne ke me solomanaanin
ne tonge saxan. Na xanbi ra, a yi faxa.



Alatala yi a to adamadina naxuyaana bata
gbo ayi boxon fari. A miriyane findixi fe
kobin nan na waxatin birin.



Alatala yi a fala, a naxa, “Adaman birin n naxan daxi, n na birin janma nen dunuƙa yi. Muxu ba, sube ba, bubuse ba, xoliin naxan tunganma kore ba, n na birin naxorima nen dunuƙa yi, bayo n bata nimisa adaman da feen na.”




Koni, Nuhan yi rafan Alatala ma.
Nuhan dii saxan nan soto: Semi
nun Xami nun Yepeti.



Amasoto Ala bata dunuƙa xanu han
a bata a Dii Xeme keden peen fi en
ma, alogo muxu yo na denkeleya
a ma, na nama halagi fo a
habadan nii rakisin soto.



2



60



Romi Kaane 3:23
Muxun birin bata yulubin liga.
Nanara, e mi Alaa binyen sotoxi.

Romi Kaane 6:23
Bayo yulubin saranna nan sayaan na koni Alaa kisenana,
habadan nii rakisin nan na ra en Marigi Yesu
Alaa Muxu Sugandixini.

Heburune 9:27
Adamadiine birin faxan nen sanja ma keden pe,
na xanbi ra kitin yi a li.



Efesi Kaane 2:8,9

Amasoto ε kisixi Alaa hinanna nan xon denkeleyaan barakani. Na mi fataxi ε tan xan na, Alaa kiseen na a ra. Ε katan tonon xa mi a ra, nayi muxu yo mi nε a yεte matoxe.

Romi Kaane 10:9,10

Xa i i tiye a ra i deni fa fala Yesu nan Marigin na, i denkeleya i boheni, a Ala a rakeli nen sayani, i kisima nen. Amasoto muxun denkeleyama a bohen nin, Ala yi a ratinxinhe ayi a ye ra yi. A yi a ti a ra a deni, a kisi.



Yoni 3:16,17

Amasoto Ala bata dunuṅa xanu han a bata a Dii Xeme keden peen fi en ma, alogo muxu yo na denkeleya a ma, na nama halagi fo a habadan nii rakisin soto. Bayo Ala mi a Dii Xemen nafaxi dunuṅa yi alogo a xa dunuṅa muxune yalagi, koni alogo dunuṅa muxune xa kisi a xon ma.”

Yoni Singena 5:11-13

Awa, na sereyaan ni ito ra fa fala Ala bata habadan nii rakisin fi en ma. Habadan nii rakisini ito a Dii Xemen nin. Dii Xemeni ito nema muxu yo yi, nii rakisin fan na kanni. Alaa Dii Xemen mi muxun naxan yi, nii rakisin mi na kanna fan yi. E tan naxanye bata denkeleya Alaa Dii Xemen xinla ma, n feni itoe sebexi e ma nen alogo e xa a kolon fa fala habadan nii rakisina e xa.



Dunuḡa Fɔlɔna 3 – 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Yalunka Bible (yal) © 2012 Traducteurs Pionniers de la Bible
© 2012 Pioneer Bible Translators

This work is licensed under the Creative Commons Attribution ShareAlike 4.0 license
<https://creativecommons.org/licenses/by-sa/4.0/>

<https://www.bible.com/bible/620/GEN.1.KITABUNA>

©2026 Bible for Children, Inc.

www.M1914.org

www.bibleforchildren.org

